

中國方志叢書·華北地方·第五一四號


據

民國·周保琛修，李增裕撰
民國十二年鉛印本

影印

河北省

東明縣續志



成文出版社有限公司印行



10107345

中華民國六十五年 月壹一版

東明縣續志

全 冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

東明續修縣志序

縣志者一縣之史也縣之事月異而歲不同况庚子以後惟新
令下百廢俱舉凡地方一切事宜均有變更均須調查不有以
紀之孰得而詳之續志之作烏容已乎獨是東明舊志創始於
嘉靖丙申遞修至乾隆丙子迄今又百數十年矣其間輿地之
沿革人物之盛衰風俗之變遷政治之損益不知凡幾加以近
年新政繁興異教迭起使無人焉出而續之微特前徵往蹟付
諸無何有之鄉卽近今政治亦將頭續紛繁而莫可料理果何
以觀時變而維風化乎余自丙午來守是邦於風土人情亦嘗
虛心採訪而究愧學識謏陋未能周知矧東明河外孤懸較他

邑尤難備悉耶適有翟明經光斗呈邑孝廉李敦伯所著縣志四卷乞爲裁定披閱之餘見其於學校警務獨加詳焉知其不拘於舊習也於天主教亦採入焉知其有慨於世變也於名宦之政績鄉賢之懿行田氓之見危受命婦女之苦節終身均不憚大書特書焉知其足以發潛德也洵不愧一邑文獻哉而余亦借悉東邑之情形以爲察吏安民之一助云爾

光緒戊申知大名府事長白錫齡阿撰

又

方隅文獻攸賴志書往哲陳編尤貴賡續佑保於甲辰冬承乏東明見邑志自乾隆丙子重修而後未有繼作迄今已百有餘

歲竊竊焉有續承之念然自慚淺陋將謀諸紳耆而未果逾歲
適奉檄移攝長垣篆而此有志未逮之一事旋成虛願至今耿
耿於懷戊申夏六月時綰篆澶州得披邑孝廉李敦伯續東明
縣志四卷其弁諸簡端者則 郡尊錫公所撰序也鉅製鴻篇
裒然成集能令區區素志至是爲之一快觀其搜羅宏贍舊蹟
新政靡不兼賅 郡尊序中言之詳矣佑保又何能更贊一詞
所尤堪欽佩者踵成殘斷先得我心而繁重獨膺不辭况瘁孝
廉之有功於掌故豈淺鮮哉因贅數言以誌喜云
光緒戊申夏六月前知東明縣事朱佑保撰

續修東明縣誌序

夫足以括上下古今攷世運之變遷時事之興廢人才之盛衰
生物之繁滅以備國家採訪之資者邑誌其要也東明邑誌自
乾隆丁丑迄今百五十年未經修輯讀者憾焉歲光緒乙巳冬
邑侯周公印保琛黃陂孝廉碩儒也來蒞茲土閱舊誌卽有續
修之志特以邑中老成凋謝更值兵戎水旱之餘經費維艱遂
不果未幾

朝廷有變法之命疊經上憲徵求邑乘公乃語裕曰方今政令
聿新諸多建設需誌孔亟若茲之久歸殘缺其如一邑何子盍
從事焉裕謝以不敏公曰勿諉試勉爲之甯闕毋濫甯質毋文

紀實焉可矣辭不獲已乃退而舉邑歲貢生翟君際協助採訪不設局不備員不籌經費搜世家之記載徵故老之傳聞訪四方之遺跡採同人之錄送一取決於公五閱寒暑而歲事但咸同間捻匪黃河兩次陷城焚毀冲沒百餘年來多抱不足徵之歎第付諸闕如而已編既成公已去東遂草存於家非敢云誌也聊掇拾補綴存什一於千百以備輞軒之一助云爾

告

宣統辛亥秋邑舉人李曾裕撰

當民國初年畿輔通志總局徵取各州縣新舊著作之有關掌故者縣署錄此上蒙批云守缺抱殘搜羅宏富足徵學有

根底實堪嘉尚俟用後遞還

夏月作書

四

身田果經詩

續修東明縣志序

東明近偪黃流俗尙質洵土地沃衍風氣樸雅之鄉也癸亥冬余奉命來官斯土欲爲民間事興革兼以訪求文獻攷稽掌故亟覓邑志用備參考乃知舊志失修已久書且無多獲覩續志二冊則邑孝廉李敦伯所手輯者也起自乾隆二十二年止於宣統三年門類條目一遵舊志今昔有不同者間有增減義取簡括不事誇張實合作家體例卓識閎議有足多者書分四卷爲類九先以圖攷輿地建置田賦次以官職選舉又次以人物雜志畧以藝文事必詳確筆必謹嚴無攀附標榜之習以視康氏武功縣志韓氏朝邑縣志殆不能爲之軒輊也惟自國變以

來尙付闕如余與敦伯及邦人氏一再商榷輒欲續有所纂乃
正在籌議余忽移調磁縣遂致停閣倘後之君子有志編輯起
而爲斯編之續俾徵文獻稽掌故者有以傳信於後來豈第爲
東明一邑之幸耶

民國十三年甲子仲夏東明縣知事王億年序

東明縣續志目錄

卷之一

圖攷

輿地

建置

卷之二

田賦

職官

選舉

卷之三

人物

雜誌

卷之四

藝文

東明縣續志

凡例

一舊志止於乾隆二十一年茲續自乾隆二十二年迄宣統三年門類條目仍舊但其間數經兵燹水災事跡多無可考稽且採訪未能周罣漏之憾在所不免

一舊志所不載而散見於府志或他書中者間爲補入以備博覽

一舊志物產門不載五穀官職門不載武職茲悉遵府志補入
一選舉門舊志於五貢外兼及入粟例貢近年此途太廣未能徧訪姑從略

一 人物志舊志統以鄉賢茲分懿行仕蹟忠烈武功等類係遵府志分列

一 馮家窪焦龍王舊志入妖異中續府志列入志餘門茲因靈應素著近且勅賜封號爰遵府志亦增列志餘一門

一 舊志卷首有道光中邑侯華公續入記傳數篇板已無存茲併入卷內庶於年限序次較清

一 建置門內增入新政一項凡變法後所建置俱條列其中以昭原始

一卷四附記縣署出納欸項係近年弊端不在舊誌門類中

東明續縣誌卷之一

圖考

輿地誌

山河 堤堰

古蹟

物產 風俗

建置誌

城池 鋪舍

公署

文廟

儒學

書院

試院

壇壝

義塚

祀廟

倉堡

橋梁

壕牆

兵防

新政

增

田賦誌

上

戶口 地畝賦稅

差徭

皇差

馬差

畝捐